

29.06.2012թ

## Աուդիտորական եզրակացություն

«Ֆրուտ Վորլդ» ՍՊԸ-ի մասնակիցներին

Մենք իրականացրել ենք « Ֆրուտ Վորլդ » ՍՊԸ-ի (այսուհետ «Ընկերություն») կից ներկայացվող ֆինանսական հաշվետվությունների աուդիտը, որոնք ներառում են 2011թ. դեկտեմբերի 31-ի դրությամբ ֆինանսական վիճակի մասին հաշվետվությունը, նույն ամսաթվին ավարտված տարվա համապարփակ ֆինանսական արդյունքների, սեփական կապիտալում փոփոխությունների և դրամական միջոցների հոսքերի մասին հաշվետվությունները, ինչպես նաև հաշվապահական հաշվառման քաղաքականության ամփոփ նկարագիրը և այլ ծանոթագրություններ:

*Ղեկավարության պատասխանատվությունը Ֆինանսական հաշվետվությունների համար*

Ղեկավարությունը պատասխանատու է սույն հաշվետվությունների ֆինանսական հաշվետվությունների ներկայացման միջազգային ստանդարտների համաձայն պատրաստման և արժանահավատ ներկայացման համար: Այդ պատասխանատվությունը ներառում է խարդախության կամ սխալի հետևանքով առաջացած էական խեղաթյուրումներ չպարունակող ֆինանսական հաշվետվությունների պատրաստման և իրական ներկայացման նկատմամբ ներքին վերահսկողության մշակումը, կիրառումը և պահպանումը, պատշաճ հաշվապահական հաշվառման քաղաքականության ընտրությունը և կիրառումը, ինչպես նաև տվյալ հանգամանքներում ողջամիտ հաշվապահական գնահատումների կատարումը:

*Աուդիտորի պատասխանատվությունը*

Մենք պատասխանատու ենք աուդիտի միջազգային ստանդարտներին համապատասխան մեր կողմից իրականացված աուդիտի հիման վրա նշված ֆինանսական հաշվետվությունների վերաբերյալ մեր արտահայտած կարծիքի համար: Այդ ստանդարտներով մեզանից պահանջվում է բավարարել բարոյական վարքի կանոնները և պլանավորել և անցկացնել աուդիտը՝ ֆինանսական հաշվետվությունների էական խեղաթյուրումներից զերծ լինելու վերաբերյալ ողջամիտ երաշխիքներ ձեռք բերելու նպատակով:

Աուդիտորական աշխատանքները ներառում են ֆինանսական հաշվետվություններում ու համապատասխան ծանոթագրություններում արտացոլված տվյալները հիմնավորող փաստերի ձեռքբերման նպատակով մշակված ընթացակարգեր, որոնց ընտրությունը կախված է խարդախությունների

և սխալների հետևանքով ֆինանսական հաշվետվություններում էական խեղաթյուրումների ռիսկերի առկայության վերաբերյալ աուդիտորական գնահատումներից: Ռիսկերի գնահատումները կատարելիս՝ աուդիտորը մշակում է համապատասխան ընթացակարգեր ֆինանսական հաշվետվությունների կազմման և ճշմարիտ ներկայացման համար կիրառվող ներքին վերահսկողության գնահատման, այլ ոչ թե ընկերության ողջ ներքին վերահսկողության արդյունավետության վերաբերյալ կարծիք կազմելու համար: Աուդիտորական աշխատանքները ներառում են նաև կիրառված հաշվապահական հաշվառման սկզբունքների և ղեկավարության կողմից կատարված գնահատումների, ինչպես նաև ֆինանսական հաշվետվությունների ընդհանուր ներկայացման գնահատումը:

Մենք համոզված ենք, որ ձեռք ենք բերել բավականաչափ և համապատասխան աուդիտորական ապացույցներ մեր կարծիքն արտահայտելու համար:

#### *Կարծիք*

Մեր կարծիքով, կից ֆինանսական հաշվետվությունները բոլոր էական առումներով ճշմարիտ են ներկայացնում 2011թ. դեկտեմբերի 31-ի դրությամբ «Ֆրոնտ Վորլդ» ՍՊ ընկերության ֆինանսական վիճակը, և նույն ամսաթվին ավարտվող տարվա ֆինանսական արդյունքները և դրամական միջոցների հոսքերը՝ համաձայն Ֆինանսական հաշվետվությունների միջազգային ստանդարտների:

#### *Հարցի շեշտադրում*

Առանց ստորև ներկայացված հարցերի վերաբերյալ ձևափոխված կարծիք արտահայտելու, ուշադրություն ենք հրավիրում այն փաստին, որ ընկերությունը հաշվեկշռի ամսաթվից հետո ձեռնարկատիրական ոչ մի գործունեություն չի իրականացրել: Ընկերության՝ Պարտավորությունների և սեփական կապիտալի հարաբերակցության գործակիցը բարձր է ցանկալի առավելագույն սահմանից, Ընթացիկ իրացվելիության գործակիցը և Գույքի ռեալ արժեքի գործակիցը ցածր են սահմանային փոքրագույն նորմատիվներից: Նշված հանգամանքները վտանգի են ենթարկում Ընկերության անընդհատ գործելու կարողությունը:

Նաիրի Սարգսյան  
Տնօրեն  
Աուդիտոր



Միհրան Թովմասյան  
Առաջադրանքի Ղեկավար  
Աուդիտոր

«ԳԱՐԱՆՏ ԱՈՒԴԻՏ» ՍՊԸ

ք. Երևան, Գ. Նժդեհի 48/2